

Mersiha Mehmedagić
Zastupnica u Skupštini Kantona Sarajevo

VLADA KANTONA SARAJEVO
MINISTARSTVO ZA BORAČKA PITANJA

PREDMET: Inicijativa


Tražim od Vlade Kantona Sarajevo da poduzme sve potrebne aktivnosti kako bi u što kraćem roku imali sveobuhvatnu evidenciju lica tretiranih Zakonom o pravima branilaca i članova njihovih porodica i Zakonom o dopunskim pravima boraca-branitelja Bosne i Hercegovine, a koja se nalaze na evidenciji nezaposlenih kod Službe za zapošljavanje Kantona Sarajevo.

Kako Vlada utvrđuje način i uvjete za odobravanje pozajmica za otvaranje radnih mjesta iz Člana 24.Zakona o dopunskim pravima boraca-branitelja BiH, molim da se u Javnom pozivu za 2016.godinu iznađe način da se sredstva usmjere na zapošljavanje nezaposlene djece navedenih kategorija, po uzoru na Program mjera zapošljavanja za 2016.godinu koji je ciljao određene kategorije kroz zasebne programe zapošljavanja.

OBRAZLOŽENJE:

S obzirom na ugroženost ove kategorije mladih ljudi koji, i pored činjenice da su djeca najzaslužnijih, teško mogu ostvariti zakonsku prednost u zapošljavanju, potreban je odgovorniji pristup i hitna reakcija. Dok ovaj problem sistemski ne riješe, Vlada i resorno Ministarstvo trebaju iznaći način da se i ova populacija pozicionira kao ciljana kroz Program mjera zapošljavanja. Kako je program mjera za tekuću godinu već u realizaciji, do naredne godine i konačnih podataka o broju ove kategorije nezaposlenih, mogu se iskoristiti sredstva planirana u Budžetu za odobravanje pozajmica za otvaranje radnih mjesta za boračku populaciju koja za 2016.godinu iznose 500.000 KM.

Sarajevo, 28.06.2016.

Zastupnica u Skupštini KS

Mersiha Mehmedagić